

'Die boere kan ons red'

Niemand gaan in Suid-Afrika oorleef as ons nie sekere probleme oplos nie, sê Chris Burgess in 'n wydlopende onderhoud oor onder meer grondontelning.

Oop Kaarte
Murray La Vita

Eike jaar oor Kerskes besoek Chris Burgess (45) en sy familie 'n plaas by Indwe in die Noord-oos-Kaap.

"Dan hou ons 'n braai daar in die rivierloop. Ek doen dit maar ook om vir my seuns te gaan wys waar ek grootgeword het. Jy gaan daarheen en die ou plaashuis is bouvallig en in die kamer waarin ons as seuns geslaap het, groei daar nou 'n groot bloekomboom. Dit is net tragies dat daar niks aangaan nie. Maar tyd heel alle wonde."

Die plaas waarna hy verwys, is een van hul familieplase wat in 1983 deur die N1-regering ontel is as deel van die "konsolidering" van die ou Transkei se grense.

Chris, wat hoofredakteur is van Media24 se landboupublikasie, het in 'n rubriek die ontelning so beskryf:

"Die jaar 1983 was 'n moeilike een. Heneuens 'n fel droogte was dit ook die jaar toe ons plase in die Oos-Kaap ontel is. Ná die besoek van die omles laat een middag in hul swart pakke en beskiet wit staatsmotor het ons ses maande gehad om pad te gee.

"Want, sien, ons het deur 'n totale arbitrêre sameloop van omstandighede in 'n inham van die Transkei se grens geboer en die een of ander burokrat in Pretoria het besluit dat 'n egalige grens makliker sou wees om te bestuur. Daarvoor moes die boere van Guba hul soetveldplase prysgee.

"Binne ses maande was 'n hele gemeenskap daarmee heen. Die Bektars, wat sulke koringsukses met hul drukwielplanters behaal het, oom Jan de Lange, teen wie se berphange ons gereed tarentale gaan jag het, en die enkellopende Milne-broers, wat in 'n koel, donker bloekomboom gewoon het. Almal weg. Dit was traumaties, en jare later verlang ek nog terug na die kloof van my kinderjare. Maar ten minste is almal ordentlike pryse vir hul plase betaal, met die opsie om elders weer oor te begin. 'Tranegeld', soos hulle dit dierstelsel genoem het."

Ons sit in Chris se kantoor in die Media24-sentrum in Kaapstad. Hy is van Ierse afkoms en sy moedertaal is Engels, maar danksy sy eie ouma praat hy vlot Afrikaans en is ook Xhosa magtig. Hoewel hy al jare 'n joerna-



Chris Burgess in sy kantoor in Kaapstad.

lis is, kon die sterk hande waarmee hy beduie terwyl hy praat, ook dié van 'n boer gewees het. Daarby het hy 'n baard en dra jeans. Ek beloef hom as 'n reguit, plat-op-die-aarde-mens wat nugter is en heider insigte het.

Ondanks sy ontroerende beskrywing van die verlore plase van sy kinderjare, is hy nie sentimenteel nie; sy uitstraling is eerder een van kragtigheid.

Hy raak in die loop van die onderhoud heftig, amper woedend, wanneer hy oor die huidige stand van onder meer grondhervorming in Suid-Afrika praat.

Die onderhoud begin waar ek hom vra om meer van sy ervarings van en herinneringe aan grondontelning te vertel.

"Die enigste ou wat weer 'n plaas in die distrik kon koop, was Jan de Lange. My pa het toe weer daardie plaas [Banockburn] by hom gekoop. Hy [De Lange] het kort daarna sy eie lewe geneem. My pa en my broer boer sedertdien daar. Die plase was drie generasies in ons familie."

Chris was in standaard drie toe hul plase ontel is.

"Dit is nogal 'n groot ding vir 'n kind. . . Dit is nou nie dat dit 'n gedwonge verskuiwing was nie; dit is nie in die ligg van wat ander mense deur-

gemaak het nie, maar dit het nogal 'n impak. Dit was verskriklik ontwrigtend. Ons is aangesê om die huise en alles daar te los soos wat dit is want die nuwe eienaar sou boer.

"Vandag is dit heeltemal bouvallig; niemand boer meer daar nie. Ek en my broer het 'n jaar gelode met motorfiets opgedry na die plaas toe en ek het die veid nog nooit so goed gesien nie want niemand boer daar nie; dit lê net braak, wat nogal bisar is."

Wanneer ek hom uitvra oor die huidige politieke aandrang op grondontelning sonder vergoeding, begin hy deur te sê hy dink nie mense besef watter groot nasionale bate Suid-Afrika se boere is nie.

"En ek dink daar is 'n diep misverstand oor wat boere doen; oor die bydrae wat hulle lewer, nie net in terme van voedsel- en veselproduksie nie, maar ook in terme van werkskepping.

"Daar werk nou meer mense op plase as op die myne. En ek dink die verhouding tussen boere en hul plaaswerkers word nie altyd verstaan nie. Dis 'n maklike stok om boere mee te slaan.

"Maar as ek praat met 'n ou soos Ivor Price, wat ons TV-program *Landbouweeklik* aanbied. . . Dis nou die eerste keer dat hy redelik gereed op plase kom en hy is rêrig behoudend deur wat hy sien.

"'n Boer werk saam met sy werkers. Hy sien hul kinders word gebore en die kinders word groot voor sy oë. Dis 'n heeltemal ander dinamika as byvoorbeeld die korporatiewe wêreld.

"Ek dink mense besef ook nie hoe groot landbou se ekonomiese bydrae is nie en hoe landbou die ekonomie verlede jaar uit 'n resessie uitgetrek het nie. En dan is daar die bestuurskundigheid wat jy onder boere aantref.

"As jy kyk na die vaardigheidskrisis in Suid-Afrika, is boere as bestuurders en die tipe veranderlikes wat hulle moet hanteer om ook nog 'n wins te maak, eintlik besonder in terme van Suid-Afrika as 'n land en die probleme wat ons in die gesig staar en die probleme op die platteland.

"Die breintrusts wat jy daar het, is maar die boere; die munisipaliteite is 'n disfunksionele skande, dit weet ons almal. Die boere is van die min mense wat eintlik 'n verakill kan maak, maar dit lyk asof dit om die een of ander rede nie politiek aanvaarbaar is om saam met hulle te werk nie."

Hy dink nie grondontelning sonder vergoeding gaan plaasvind nie.

"Ek dink pres. Cyril Ramaphosa besef wat op die spel is. Ek dink ook dat. . . Wanneer ek met boere praat, is daar van hulle wat sê hulle sal eers hul plase afbrand voordat hulle dit

weggee. So ek dink nie jy gaan net grond afvat sonder ernstige gevolge vir die ekonomie nie, maar ook in terme van maatskaplike kohesie en so aan. Ek dink die prys sal eenvoudig net te hoog wees, en ek dink Cyril-hulle besef dit.

"As 'n mens nou na die praattjies luister, dan sê hulle hulle gaan eers onbenutte en staatsgrond ontel, hulle gaan nie aan produktiewe landbougrond raak nie. . .

"Ons [*Landbouweekblad* en *Agri SA*] het mos daardie grondoudit gedoen. En daarin is bevind dat die vrye mark besig is om meer grond aan swart eienaars te herverdeel as wat die staat in al sy programme kon regkry. Nou dit is nie 'n onderakrywing van die vrye mark nie, dis dalk eerder 'n aanduiding van hoe treurig die staat is.

"Ons het 23 jaar gehad; die planne is almal op die tafel; die boere sal help. . . As ek 'n politikus was, sou ek verakillik dankbaar vir ons boere gewees het. Veral as jy kyk wat gebour met verstedeliking, byvoorbeeld hierdie groot invloed van mense uit die Oos-Kaap na die Wes-Kaap. Ek bedoel, wie gaan ons mense kos gee?"

"Daar is hierdie vereenvoudigings wat die politici vir politieke gewin verkansel. Soos byvoorbeeld dat die [ou] tuislande armsalige, agtergeblye ge-

biede is en dat dit aanvragbare grond is. Waar val jou meeste rein? Aan die oostekant van die land en dit is waar al jou ou tuislande is; dit is van die vrugbaarste grond.

"Ek is allermens 'n apologet vir apartheid. My punt is dat ons as Suid-Afrikers moet begin besin oor watter bates ons het en hoe ons daardie bates tot voordeel van die nasele gaan bestuur. Hoekom kan 'n mens nie in die ou Transkei die ekonomiese landbougeleenthede skep wat die mense daar sal hou nie? Die ironie is, daar is mense wat al klaar daartoe geleenthede skep."

As voorbeelde noem hy die "merkwaardige" projekte van mense soos Jeff Every van Amsdelle Agri en Gloria Serobe van Wiphold.

Later verwys hy na nog landbouprojekte wat reuse-suksesverhale is en spreek van buitengewone vindingsrykheid en deursettingsvermoë ondanks die feit dat die belanghebbendes geen staats hulp ontvang nie en eerder deur burokratiese argeloosheid, of selfs vyandigheid, belemmer word.

"Byvoorbeeld die Witzberg-PALS-raamwerk (Partnership in Agri Land Solutions) daar in Ceres in die Witzbergvallei. Dit is seker een van die winsgewendste boerderygebiede in Suid-Afrika.

"Daar is 'n prokureur op die dorp wat hierdie stelsel ontwikkel het waar die boere grond sou identifiseer en nuwe boerde in produksie sou inbring en in vennootskap met hulle boere boer.

"Dis 'n ongehooflike projek waar die boere self letterlik, soos ek dit verstaan, miljard rande sou inploeg. En al wat hulle nodig het van die staat, is om vir hulle waterregte goed te keur - net 'n administratiewe bydrae te maak - en dit kom nie van die grond af nie.

"En hoekom gebeur dit nie? Want die ampnymer kan nie handtekeninge op 'n stuk papier sit nie! Ek bedoel, dit is mos verraderlik, is dit nie? Of is ek verkeerd? Ongelykheid en armoede is die ekwivalent van 'n oorlog, ons is in 'n oorlog gewikkel as ons nie hierdie probleme oplos nie. So as jy nie jou kant bring om die vyand te verslaan nie, dan is jy 'n landsverraaier."

Hy beklemtoon sy woorde deur met sy hand op die tafel voor hom te slaan.

"Ek bedoel, as ek dit sê, dan is ek wat? Maar net nog 'n wit rassie of ek is oningelig, ek is nie politiek woeke nie, of whatever. Maar ek verstaan nie hoe kom dit nie gebeur nie. . . Niemand gaan oorleef in hierdie land as ons nie hierdie goed oplos nie.

"Hierdie ding byvoorbeeld met Witzberg kom al jare aan; teen dié tyd moes ons dit al uitgesorteer het. Dit is nie 'n klomp wit boere wat 'n geldmaakgeleentheid soek nie, dit is mense wat eintlik 'n verakill wil maak aan hulle gemeenskap, wat eintlik die probleem in Suid-Afrika wil oplos. Boere, meer as enige iemand anders, besef wat die maatskaplike impak is van armoede, want hulle word uitgenoer op die plase, hulle verstaan die probleme."

Foto: JACO MARAIS